

docri... 文川网
入駐商家 古籍书城
在文川网搜索古籍书城 获取更多电子书

中國方志叢書·華中地方·第一七五號

據

民國二十年
陳弘編
鉛印本

影印


江蘇省

啓東設治彙牘

(全)

69/2195

成文出版社有限公司印行



中華民國六十四年 月壹一版

啓東設治彙牘

全 冊

發行人：黃 成 助

出版者：成文出版社有限公司

台北市郵政信箱二二六〇五號
台北市羅斯福路三段二四〇巷五號

印刷者：成文出版社有限公司


內政部登記證內函台業字第一一四七號

啓東設治彙編

張孝若署

docsriver 文川网
入驻商家 古籍书城

在文川网搜索古籍书城 获取更多电子书



序一

啓東位長江之北口。東臨黃海。西北與海門接壤。土地肥沃。戶口殷盛。於中華新紀元之十七年三月。成爲江蘇省之一新邑。溯其初。蓋楊子江下流挾沙沖積而成者也。始於遜清乾隆時代。江中湧現數沙。漸積漸高。漸湧漸多。至光緒初。十餘沙粘成一片。而於海門遙隔之江洪。亦逐漸淤漲。成爲平地。於是接連海門南通之東部。作一半島形。當其始現也。在江中。故隸於崇明。以位於崇明海門之間。故移民多崇海人。尤以崇明來者爲夥。其黠者則仍住於崇城。而置產於此土。以此土爲魚肉。積威所及。遂爲崇明之外府。啓人苦之。夫崇明江口之沙島也。自唐以來。面積日廣。晚近二三百年。其本島之地域。視鄰近太倉、嘉定、寶山、上海、川沙等縣爲大。及外沙次第接漲。面積之廣。又逾於崇明之本島。以上列各縣。或過四五倍。或過十數倍。而兩沙中隔長江北。洪。水闊數十里。縣政管轄。苦不能及。於是啓人在清末呈請分設縣治。鼎革以還。十餘年來。雖經省會議決。政府批准。而屢爲崇邑人士所破壞。兩沙爭議。積案至數十萬言。紀元八年。前江蘇省長齊公震巖。派委調處兩方爭執。先在啓地設置行政委員。及司法公所。而仍隸屬於崇明。六七年間。又以政權不全。監督不及。人民倍受痛苦。幸十六年春。江蘇政權屬我黨國。分治始有實行之希望。人民奮鬥之精神復振。省廳設縣之主張以決。十月下旬。希洛奉檄來撫茲土。道出滬上。遇旅滬人士施子方白、顧子岳僧、顧子南羣、張子飛熊。抵任遇請願分縣代表施子滋培、龔子景蘇、曹子炳星、及龔子良佑、朱子鎮庚、朱子有成、張子士明、宋子鈞培。詢其經過。

又身歷各鄉。觀其風土民情。知有分設縣治之必要。具文呈請省府各廳。經省座鈕公惕生。民廳茅公詠薰之主持。在紀元十七年二月。決議實行分縣。定名啓東。繼委希洛執行縣政。三月開縣政會議。僉以分縣請願歷二十年。此中經過。費代表者心血不少。不可無文牘之彙刊。一以留永久之紀念。一以備將來縣志編纂材料之採擇。刊成爲之敘述數語。亦首忝縣政者之責也。民國十七年四月一日。寶山表希洛。

序二

方白自民二以來。奔走革命。不遑啓處。嗣以觸當道忌。逃亡海外。不得歸鄉里者久。故於請願分治。頗鮮顧問。然每與鄉人士。魚雁往還。未嘗不以是爲問。且謂苟革命而成。分治自迎刃而解。亦復以是慰也。天誘其衷。國民革命軍。底定大江南北。余得乘間隨請願分治諸同人後。略效棉薄。然未敢謂有功也。分治成。首長吾邑之袁同志傲畚。解組去。省廳委方白承乏。奈諸事棘手。不十月而辭職歸田。自問於邑治。無所建樹。實深愧對吾父老焉。茲施君宗道將請願分治過程中之牘稿。編就付印。敦序於余。余雖不文。因樂觀是輯之成。以誌不忘也。故不辭而序之。民國十八年六月一日。邑人施方白。

序三

啓東稱崇明之外沙。一江橫截。形異而勢分。往昔附麗崇明。隔江聽命。令符傳達。動必數日。政教不能以時行。因革不能以事定。邑人士亦祇自食所食。負納稅貢賦之任而已。疾苦理亂之調節。物質文明之競存。鮮能與

內沙并進而比熾也。識者病之。倡爲分治。窮十餘年之力。含辛茹苦。僅底於成。甚矣哉。其艱難締造之功乎。鉞青於分治之三年。來宰斯邦。得觀新治。其清新蓬勃之氣。使人之意也消。惟是設治伊始。百端草創。有如髻鬣之童。涵濡撫煦。提撕長養。不能不有望於保傅。雖然。啓東之爲童。亦神矣。其玲瓏活潑。純然天資。爲保傅者。第能暢其生機。掖其步武。因宜而納之正軌。則騰蹕而進展發揚而蹈厲。不待經營改革。卽有其自然之功。反之。質白者易污。鋒銛者易折。稊稗入藉。嘉禾用蕪。保傅之啓迪不純。迥不若椎魯渾蒙。以聽治於人之爲得。此則鉞青宰啓伊始。卽以防侵蝕。節甘苦。端躬率教。責覈名實。自勵。而有望於啓東進步之無已也。抑又聞之。靈秀獨鍾之子。生而能知。其有待於傳教者。蓋寡。啓東肇造。不特明哲之士。經營慘淡。孕育功多。其羣衆之樸誠真實。亦因有其天然之量。誠宜本其良能。遵道而進。舉隅三反。俾政教有順進之功。掃蕪雜而歸純樸。求自治而進大同。不尤偉歟。施子宗道爲分治最力之一。今以所纂之設治彙牘。進典賅翔實。論者已詳。鉞青躬逢其會。爲之公僕。誠願竭綿薄而助之長也。故書所見如此。民國十九年六月一日。夏鉞青撰。

序四

總理定建國大綱。以縣爲自治單位。良以地方庶政。千頭萬緒。倘概繫於省。則境地遼闊。未易收指臂之效。而自治程序。卒因而難期完成。誠卓見也。啓邑原係崇明之外沙。隔江而治。向有殖民之稱。人民所受之壓迫。實形成階級不平之象徵。其所敷政教。亦不啻省之鞭長莫及。識者憂之。亡清末造。外沙人士。感彼羈之痛苦。建

自立之議。遂有分治之請。徒以專制時代呼籲無靈。迨民國肇造。又因本黨政權得而復失。人民自主。恆爲軍閥催殘。雖邦人士屢次奔走呼號。終莫能成。十六年。革命軍底定江蘇。覺生時于役軍次。卽聞有此建議。是年冬。余供職農廳。間與夢麟詠薰諸公論及此邦。足爲農業試驗區。翌春。省府徇民衆意。分割外沙爲啓東。積年渴望解懸之啓民。至是始脫離羈縻。完全自立。一快事也。客歲九月。葉公楚儉於鎮江二區六分部敦請講演。時曾以縣之治理相詢。並以各縣黨政糾紛爲慮。屬意余出宰外邑。覺生從事革命。垂十寒暑。對於政治。間雖涉獵。然實未敢自信確有把握。十月中。啓邑夏前縣長。因事去職。覺生奉令承乏。無時不兢兢然以辱命是懼。蒞啓之日。諸父老以已往政情告。始悉啓民望治之殷。實如水深火熱中之求援。爰開誠布公。集衆議。定政策。躬自巡視。以示親民。而除隔閡。定農區之規劃。籌農作之示範。倡守望以資自衛。促築路以利交通。且重區政。而立自治之基。辦登記以樹選舉之本。凡訓政時期縣之工作。遂漸施行。固不敢謂建設已有端倪。然邦人士果能通力合作。繼續不懈。如指臂之相從。則茲新邑前途樂觀。正未有艾也。施子宗道爲分治奔走。垂二十年。今河工之餘。以所編設治彙牘。囑序於余。覺生不文。未敢與言。序惟有本吾黨爲民謀樂利之本旨。與夫此來敷治之經過。新筆及之。留爲新邑史乘之資料。并供後我者之參證焉可耳。時維中華民國二十年一月閩北

周覺生

序五

縣國之基也。立國有國史。立縣有縣誌。此定例也。然亘古以來。各省立縣。有官意者。有民意者。官意也易。民意也難。試觀崇明外沙。立縣曰啓東。始於民意。致使施子滋培等奔走南北。垂二十年而告成。豈不難乎。雖然。不難不足見作者之志矣。前途事業無窮盡也。諸子勉乎哉。今施子來書。囑文治序設治彙牘。以目疾辭。不獲。不禁恍然悟曰。縣固不可以無誌。設治彙牘。卽誌之本也。千載而後。其毋忽焉。無錫唐文治序。

序六

民國初元江蘇省議會開幕之始。關於公斷請願事件。有兩大要案。一曰灌雲與東海分治。一曰外沙與崇明分治。斯二者皆由地勢之廣袤。人情之利便。動機一啓。不可強遏。而守舊者尼之。雙方爭議。至於用武。其卒也。析東海之板浦以爲灌雲。而外沙則設行政委員。秩視縣佐。以羈縻於舊治。夫豈有幸不幸。亦視主其事者力何如耳。其爲外沙代表奔走最力者。曰施君宗道。十餘年間。口瘡於音。腕蹇於札。之南之北。不遂不已。果以民國十七年。赫然啓東縣之名。發現於滬海。施君代表外沙之職責以盡。而外沙父老所以謀啓東縣之新紀元者。於是乎始。惟賢猶憶民國二年。發言於議席曰。外沙分治。當局所以靳固勿予。謂賦入庫薄。不足支政費耳。然沙地成熟總額。不亞鄰縣。第就下則升科。國省稅之外。以供縣費有餘矣。當局以怵於清丈。卒不決也。今省政府毅然與民更始。縣治初立。百端待舉。諸父老其甞勉負擔。使行政教育建設諸事業。熾然日昌。以杜反對者之口。而快迷聽者之望歟。其勿以越畔爲罪也夫。古華沈惟賢

序七

康壽自民國肇興後。卽北渡治墾於通海。在周誦穆所識施君宗道比時已奔走於外沙分縣。嗣以人事惹鬧。政局屢更。不得遂。迨民國十六年。國民革命軍建都南京。其明年宗道書來告曰。荷父老推爲代表。奔走南北十八載。文稿至三十萬言。今幸分縣告成。名曰啓東。將哀文牘刊之。以告後人。子其爲我序之。康壽一迂儒。言何足重。願以一縣剋立。國人必矚耳目。列序簡端。附彙名彰。亦康壽之幸也。孟子曰。雖有智慧。不如乘勢。雖有鐵基。不如待時。然非有毅力之人。堅持其際。則亦不足以底於成。中山以四十年之毅力。卒能建樹民國。宗道以十八年之毅力。卒能成立分縣。大小固殊。毅力則一。雖曰有時。毅力果可已哉。願中山以毅力而伸中國之民權。宗道以毅力而伸外沙之民權。爲公非爲己也。今政府方將勵行自治。以達三民主義。願新縣之人暨後之人。開誠心以相維。布公道以自立。以毅力持之。無忘往日之艱難。則啓東同民國而萬歲。宗道亦於以不朽。不禁懽忻鼓舞而爲之序。民國十七年五月。太倉王康壽晉蕃序於通海墾牧鄉之第一堤。時年七十有四。

序八

崇明內外沙隔江相峙。官治自治。均感不便。縣之人議以外沙分縣者有年矣。民國初元。政府有交議國中郡縣之分合增汰。以便民者。各省皆有據案成立之縣。崇外沙。膺代表而奔走南北。百折不回者。實施君滋培也。施君昔日與先君商自治者。百反不厭。分縣議起。先君爲之詮釋義理。臚列狀況。達之部省當事。歷十餘年。書

牘至夥。初准設行政委員。施君請益力益劬。至今春而啓東縣光明偉大之名。實現於我中華民國新輿圖矣。施君之功德。殆不在海門先嗇下。而先君不及見矣。施君函告將以此所著文稿三十萬言付印。經縣政會議決實行。爲異日編纂縣志材料。而問敍於孝若。孝若固將檢校先君所議修之南通新志。以永先澤。遘此不禁有無窮之感矣。民國十七年五月。南通張孝若。

序九

事業由於人爲。而時勢屬乎自然。時勢之說虛。事業之迹實。然吾吳蠻地也。文化之興。後中原千有餘歲。周之世猶夷狄之。其始非無人也。其人非無爲也。而必至於斯而成名區。則豈非有待乎時勢者耶。地之分合之際。亦若是。以吾古代言之。周封建之初。必革故國之域。而有所分。厥後乃自然而又有所合。久之。乃又有郡縣分合之數變。以世界言之。美及華盛頓。而離英獨立。今日之國亡。而脫所羈制者。亦所在多有。以吾近地言之。江滄之接漲也。於是有吾通及崇明人士之議置海門。至於今崇明乃以地勢之自然。又析爲啓東。時勢之所屈。孰能背乎自然而掬之使黏。遏之使止。此大較然已。雖然。成之與其前或後。蓋亦在人謀耳。弗謀何所爲。弗爲何所成。成而弗復謀。又何所立。啓東之成。施子滋培既謀之矣。又取其牘稿輯爲一編。黃子燦揚等寄書。屬爲序。爰爲汎論。亦甚祝成之之後。愈大射朝暉之光耀江海也。是爲序。民國十有七年六月。南通曹文麟。

序十

或問於偉曰。啓東與崇明分治。崇明固無所利已。啓東果利焉否乎。曰是有說。啓東人士之所斷斷然爭脫於崇明之統治。十數年鑿而不舍。亟請於大府者。爲所被之益。不敵其所負之重也。今分則以啓東之人。理啓東之事。以啓東之財。供啓東之用。治安之設計周矣。教育之推廣力矣。民隱之上達捷矣。政權之參與便矣。無間官治自治。凡所措施。均徑直而較迅焉。切焉。此所謂利也。雖然。亦視自茲以往。啓東人士之致力何如耳。辛亥鼎革。共和告成。當是時也。夫孰不謂富強可幾。治理可日上也。而十六年來。轉陷於水深火熱。與所蘄適背而馳。此吾人所目擊能一一道者。國與縣大小雖迥殊。謀之臧否。利害隨之。其理則一也。今啓東之治。畫然與崇明分矣。人民所負於官治自治一切之措施者。愈以重矣。果何以副人民所負之重。使其所被之益。得衡量而稱焉。則啓東人士之責也。勿以今日之得請爲功之成而喜。視爲基之始而彌加奮焉。其難其慎。惟和惟一則庶矣。偉識施君宗道有年。君固最力於分治之請。十數年不懈而愈益勤者。以今日啓東之得巍然爲一縣。與諸縣並也。將輯自清季訖於茲。凡系於分治之爭之文牘擇要彙而刊之。以垂諸後。君非欲以是自多也。亦欲後人知分之之不易。則治之自益不敢不勉也。能如是。則分治於啓東。誠利已。夫又何疑。君以書來囑爲之序。因究其利害書諸簡端。卽以徵百世之來者。民國十七年六月。海門劉偉。

序十一

啓東縣治舊。爲崇明外沙成。立於中華民國十有七年。推原其始。則爲外沙十鄉人民感於訴訟納稅之不便。

議由地方士紳公推施君宗道代表請願。跋涉艱阻。出沒死生。百折不回。以至今日。今夏宗道來書云。前爲外沙分縣。奔走南北。十有八年。手著文稿。不下三十餘萬言。今幸告成。名曰啓東。經縣行政會議議決。將是項文稿付印。爲異日篇纂縣志材料。徵序於余。恩溥不文。且久病虛損。何能序。固辭不獲。不禁慨然嘆曰。志之於人大矣哉。諸凡事業。皆基於志。志之所在。勇猛進精。上之可以爲聖賢。次亦可以爲俊傑。大之可以爲世界造幸福。次亦可以爲地方謀利益。有志者事竟成。若宗道者。可謂有志矣。向使其志未立。中無所主。威惕之。利誘之。鮮不隨俗浮沉。翻然變計。卽不然。志已立矣。尙未堅也。始則其進甚銳。厥後知難而退。譬如爲山。未成一簣。又烏觀所謂啓東縣者。然則宗道之志可知。宗道之文稿。其可傳也已。宗道勉乎哉。啓東人民。旣於訴訟納稅稱便矣。以後種種建設。百端待舉。弊何以革。利何以興。秩序如何而定。人心如何而正。民俗如何而厚。匹夫有責。當以政策貢諸官廳。以備採納。而相與有成焉。是所望於宗道暨啓東士紳者矣。爰樂得而序之。後之人讀此文稿。其亦聞風而興起乎。民國十七年戊辰季夏。海門施恩溥敬序。

序十二

天下事。基於志而成於才。才不足。無以副其志。志不堅。無以帥其才。哥崙布之得新洲。華盛頓之翹美國。志之堅乎。亦才之足也。施子宗道。其啓東之哥崙布。華盛頓乎。當崇明外沙之初。倡分縣也。譏議者有之。訕笑者有之。排斥者有之。陽通聲氣。而陰實沮遏者亦有之。而施子毅然不顧。獨奔走南北。上書疆吏。抗疏都門。積勞至

十有八年之久。著作至三十萬言之多。其公忠之毅烈爲何如也。今者啓甯新縣與青天白日之旗相輝映於東海之濱。人第震其勳業之宏。而不知其大有作爲。不顧成敗利鈍。實由志與才之迥不猶人也。新治旣成。施子乃出其平昔所著。編成啓東設治彙牘一書。以示人。翻閱數過。不禁欽其志。服其才。謂爲新治之元母也。可謂爲施子之心史也。亦無不可。是爲序。民國十七年六月。海門楊家駿敬撰。

序十三

有志者事竟成。此昔賢勉人之詞。亦公例然也。施先生宗道於外沙分治。十有八年。奔走呼號。困苦備嘗。毅然決然。不達目的不止。中雖准設行政委員。然先生病其掣肘。耿耿莫釋。人玉曾侍家君。寓居外沙。偶閱先生所著分治文牘。不下三十萬言。大都患內沙之壓迫。謀有以解除之。辱問成否於人玉。人玉以爲天下無不伸之鬱氣。分治遲早間耳。未幾。國民軍蒞蘇。先生與黨部同志。重申前請。省府遂決議設縣。曰啓東。先生之心固稍慰矣。先生之力可稍息矣。先生幸。啓東幸也。而先生仍與地方人士。綢繆建設。細大不遺。豈先生惡逸好勞。異於人歟。抑愛護桑梓有獨至歟。先生一介寒儒。而果毅若是。可謂有志而窮益堅矣。新縣奠定。半載耳。而先生於電話縣道等。次第設施。已駕吾崇而上之。將來幸福。甯有涯涘。人玉弱女子也。江天在望。能不有感於斯乎。爰書此以弁文牘之首。民國十七年秋。瀛洲女士茅人玉。

序十四

物不得其平則鳴。事不當於理則爭。此自然之勢。吾啓附庸崇島。事事受制。至百餘年。其能已於鳴且爭乎。吾啓於清乾嘉間。江之北洪。沙渚淤漲。與海門大陸連接。平原沃塹。新村儼然。當道以地居衝要。設崇海巡檢司焉。迨清季。地日廣。巡檢病職微。益以草萊初闢。民俗剽悍。跨隸崇島。治既不便。而地方事業。崇人更厚彼而薄我。民咸苦之。故施子宗道。祝子筠青等。倡議分治。洎民國肇造。分呈府院部省暨省會。民五案決。而疆吏憚於改建。僅設分署。以塞耳目。可慨焉。去歲吾黨軍克蘇。政尙平等。施子宗道偕炎與同志。本民族自決精神。環慶前請。而行政委員袁公倬。畚詳核地域。土質。物產。人口。且懲永昌公司。和合。江夏等處。海盜猖獗。非設治不足以資鎮攝。因盡白民隱於省。今春國省府議設治。錫名啓東。此固由啓人之羣策羣力。而事亘十有九年。備歷艱險。而終不懈者。惟施子宗道。其毅力誠可風矣。袁公以己饑己溺之心。爲吾民請命。亦足多焉。分縣既成之。二月。邦人士咸謂此事不可以無誌。公推施子宗道主輯。陳子病堯纂之。顏曰啓東設治彙牘。都凡數十萬言。而設治之顛末。歷歷如指掌。旣歲事付梓。有日。炎因之有感矣。夫崇人蹂躪啓人。無所不用其極。啓人競相赫怒。以鳴以爭。卒底於成。此何異華盛頓之脫英羈絆。林肯之解放黑奴。孫總理之推翻專制乎。吾今乃知天下無不伸之鬱氣。是爲敘。民國十七年秋。黃炎燦揚甫綴於縣中校次。

序十五

蓋聞任勞怨之謂毅。毅則事無不成。救羣衆之謂忠。忠則人無不念。今有謀雷封之利。而難於上青天。以衆口

爲碑。而冷如嚼素雪。則其人其事。烏可以無述乎。夫啓東之爲縣。本崇明之附庸。遠隔一江。任越人之肥瘠。酷於三害。待漢客以刀砧。起遍地之荏符。請援不至。等海邦於甌脫。庶政奚熙。施君宗道等鑒是不平。鳴其久屈。叩上峯而奉牘。有淚無聲。耐遠道之奔波。櫛風沐雨。彼誠竭能事而九拒。墨守多方。我乃策羣力於十全。輪攻愈巧。一則交無許史。又有宵小之相傾。一則戶半汪黃。兼得大僚之暗庇。中歷艱難險阻。甚蜀道之崎嶇。卒以果毅沈潛。入康衢之平坦。固觀成於革命軍重來之后。實樹基於省議員表決之時。旣賴衆志以趨。却仗孤擎不釋。蓋始則祝筠青。施少岩相與主持。終則市黨部各法團力爲翊贊。其功難泯。其迹宜彰。而施君竭十八載之熱忱。代卅萬人而呼籲。其奔走也。至甯至燕。輪蹄不息。其筆削也。卜晝卜夜。煙墨罕停。其考鏡也。報章志乘。有合必搜。其躊躇也。造次顛沛。無時或捨。雖擲揄於路鬼。仍屹立若泰山。雖遇射影以含沙。迄未改圖而易慮。貞固堅強。有如是者。分治旣成。諸紛待理。而施君獨杜門謝客。檢牘稿之叢殘。追昔撫今。命小胥以抄綴。又囑弘襄理其事。纂輯成書。抑何用力之勤。持身之愨也。夫施君功績在桑梓。著述垂簡編。猶退讓如不遑。惟縹緲以自適。有目共見。有耳共聞。卽忘者或次毛而索癢。昧者或一唱而百和。不足爲君累。適足貽人譏。惟君以文自喜。燕商丰之瓣香。而弘汲古自甘。溯北江之靈濤。向首區而陳瓢葉。乘良辰而布荆枝。或采冶六朝。妃青儷白。或搜奇兩漢。春耀鯨鏗。或露旦霜晨。談禪說劍。或花朝月夜。賭句飛觴。其境固窮。其情至樂。而是編縱非僅一人手筆。於斯見獨鶴精神。苟略事而言文。宏抒機軸。若略文而言事。鑿判封圻。諒閱者定玉秤在心。錯銖不


docsriver 文川网
入驻商家 古籍书城

在文川网搜索古籍书城 获取更多电子书

爽。奈賤子之金篋刮目。愧懼何堪。謹敘。民國十有七年七月。邑人陳宏病堯撰。

序十六

啓東之成。人多稱培。不知培因人成事也。當夫祝子筠青、孫子次婁、張子勉齋等發起分治。而培得以附驥。其資助者。始以施子少岩及祝子筠青爲最。續以倪子耕漁爲最。力助者。張公季直、茅公詠薰爲最。外如顧子岳僧、張子礪漁、宋子偉陶等。皆相與策劃者也。迨上峯准設行政委員。而仍事事受制崇明。掣肘更甚。培與龔子亦泉、曹子邦憲會同十鄉。董向上峯。瀝陳不得不分治之故。奈軍閥壓迫。公意難伸。幸值黨軍蒞蘇。培與顧子清塵、張子士明、朱子有成、沈子家祺、顧子祿羣、黃子燦揚、朱子鎮庚等。或任撰寫。或任奔走。而旅滬之施子方白、張子硯耕、顧子南羣、龔子良佑、朱子楚良、孫子佩元、翁子其昌等。組織請願分治委員會。呼號不已。周子哲謀、周子又溫、龔子瑜鈞等。又旅甯而運籌。其時行政委員袁公倣畚。衡量地勢。熟察民情。一再詳請分治。於是民國元年。培所定啓東縣名。至今春而始顯。新縣旣成。縣行政會。決議應刊分治文稿。囑培盡將所有稿檢出付刊。第是稿不下三十餘萬言。中爲家人誤焚者三四萬言。爲友攜佚者五六萬言。餘亦拉雜散漫。不足爲大雅觀。茲依縣會決議出之。由陳子病堯編輯告竣。謹述其顛末如是。民國十七年九月。邑人施滋培宗道氏綴。



東華書局
62版
1

題詞一

夏鉞青

沙洲接漲大江隈。十萬移民襁負來。盡刈榛蕪栽黍稷。隨刊原隰種松梅。
新邑莊嚴遍畫樓。燦然文物耀南陬。劃疆分治功成日。慘淡經營二十秋。
力伸民志排千阻。身抗強權歷萬艱。新陸幸除羈絆苦。洲民卅萬破愁顏。
偉論千篇積牘紛。口瘡筆秃見辛勤。他年文獻徵新志。此是分封紀實文。

題詞二

湘道縣周斌權達五

新建花封號啓東。崢嶸民氣碧霄冲。春來一縣風光好。桃杏千枝帶郭紅。
廿年心血竟全功。英俊謀猷自不同。青白國徽照耀裏。沙洲無處不春風。
俠骨柔腸自少成。揮毫吐盡不平鳴。而今民衆愁顏破。一片謳歌嬉笑聲。
革命功成羨啓東。一腔豪氣吐長虹。戎衣愧我塵埃滿。未遂橫磨靖盜風。

題詞三

浙錢塘女士陳翠娜

海上煙波浩渺中。遙看洲島接瀛蓬。設官建廨今成邑。鹽足梯輳信有功。
赤緊他年成劇縣。丹心終古作長虹。
補天況具凌雲筆。弱質應教拜下風。

題詞四

浙紹興金水若

竭來橐筆寄名區。島國風光罨畫圖。環堵桑麻官舍靜。隔江樓閣客程迂。絃歌百里叢時彥。裙屐三春愧褐夫。一片尙稱乾淨土。記曾匏繫採靡蕪。清涼海國軼塵區。矢志分封羨壯圖。一簡辛酸羈繫緊。廿年與廢歲華迂。南天文物開三島。問世賢豪邁萬夫。愧我山林頽放久。欲傳心史嘆才蕪。

題詞五

金壇周建子

肩吾才調本超倫。填海移山力萬鈞。筆底嶙峋蟠五岳。胸中志氣抗千人。廿年客路風霜苦。百里雷封草木春。愧我此來無建樹。欣看偉績勒貞珉。

題詞六

海門陸幼淵

長江東入海。鍾毓濟時才。立志離羈絆。同謀闢草萊。公文搜已往。邑乘啓將來。佇看稱模範。泱泱表海隈。邾魯原連界。聞多俊偉才。隔江追瀆瀆。佳境軼蓬萊。創始懷前迹。完成盼後來。此邦雖後進。露氣耀江隈。

題詞七

啓東女士陸儷春

書來江上屬題詩。誼切枌榆未敢辭。弱質何能談獻替。新猷端賴引綱維。萬言付梓功誠懋。廿載爭衡志不移。更願前途羣努力。海隅千里映春曦。

題詞八

〔聯句〕

啓東 陳弘 陸潛

江淮之委海之端。一邑附庸怎苟安。民苦倒懸頻灑淚。地同甌脫迄無官。荏苒屢起空泥首。政教難周豈析肝。

一樣梅花栽嶺上。南枝向暖北枝寒。【成句】

萬人睡夢久無聲。涕淚陳詞吐不平。誰斂妖人三里霧。空勞玄鶴九皋鳴。神洲日月看重朗。蓬島黎元慶更生。百折千回償宿願。雷封新奠屹東瀛。


奚止梯轅十上書。叢殘舊稿載盈車。千行字暈斑斑血。廿載心隨得得鱸。雪纂露抄成巨帙。思精體大重華琚。佛腸俠骨人爭仰。南國陳東最跋予。

花縣於今事事新。一時擘劃見精神。千間橫舍施時雨。百里康衢達海濱。教化漸如鄒魯盛。文章誰繼董蠡薪。偉詞一帙齊心史。卅萬蠶眠字字珍。

題詞九

陳弘

江水朝宗處。有棋布零星洲島。綴成廣土。十萬人家如櫛比。誰啓山林華路。喜民俗儻同鄒魯。緣受鄰封羈輓。困用紛投大吏陳艱苦。求獨立。成新治。阿誰緊執吳剛斧。只施家肩吾賢俊。堅貞共許。綿歷廿年長不懈。萬里輪蹄欲破。卒屹立花封江左。特地災梨刊牘稿。撫全編字字真珠吐。乍披誦。欲狂舞。 (調寄金縷曲)



凡例

一分治一案。牘稿隱人。茲特擇其主要者。錄爲一編。以便查考。其餘以限於篇幅。概從割愛。惟滄海遺珠。容未能免。尙希閱者垂諒。

一請願分治。歷十有八年。積稿盈尺。閱者目眩。故以全部分作六時期。曰發生請願分治時期。曰爭執分治時期。曰設置行政司法時期。曰籲請實行分治時期。曰核准分治時期。曰核易尋檢。


一牘稿叢殘。因非出自一人手筆。故每篇題下。標識作者姓氏。以彰其苦心之所在。

一茲編本以請願之牘稿爲主。故關於官廳及對方者。概低一格。以示分別。

一牘稿切要處。概加雙圈。引起閱者著眼。惟官廳及對方者。祇備參考。故從闕。

一但閱牘稿。恐於事實茫然。故將請願分縣紀略。冠於其首。以備地方一段掌故。

一茲編匆匆付梓。容有舛錯脫佚處。未能一一訂正。至希隨時見教。



東朝16期52版第

請願分縣紀略

施滋培

溯啓東縣原名外沙。向隸崇明。崇明孤懸江中。肇基在唐神龍初。歷南唐宋元明。西坍東漲。前後二千年。五漲治。迨前清乾嘉間。江之北口。湧現十餘沙。迄光緒初。與海門大陸黏連一片。稱曰外沙。其本島因名內沙。厥後外沙地愈增。人愈衆。駸駸日盛。埒於內沙。

清宣統二年秋。舉行自治。外沙面積測有二千餘方里。人口查有三十餘萬。冬十一月。滋培函張齋公。主張外沙另設一縣。此卽分治之濫觴也。

宣統二年十一月。培以參與地方自治。覺外沙確有分治必要。因函南通張齋公。請相機倡議。三年夏六月。江蘇撫院程雪樓德全。派委傅延齡到崇議分縣。而崇人矇之。冬十月。滋培函張齋公。轉請宣統遜位。並組南京臨時政府。復議同祝筠青應乾。顧岳僧南庸。孫次斐文奎。張礪漁望熊。倪耕漁華清。劉朝佑吉甫到滬。代繕商會自治會兩呈。一託張齋公帶甯轉遞。一由代表等到蘇面遞。請願分縣。發軔於此。

民國元年春二月。外沙商會總理施少巖徵容。集紳商議組北沙法團協議會。公推滋培常駐。經營分縣。三月。崇明民政長王溯沂紹曾。遵江蘇程都督令。甫交縣議會議處。而崇人矇准代理江蘇都督莊思緘。蘊寬取銷集議。僅就崇海分司原址。設初級審判廳焉。夏四月。滋培同祝筠青到蘇。請願省議會。適近閉幕。未提而回。滋培受外沙各界推爲代表。上書大總統袁慰亭。世凱。留守黃克強。均交程督核辦。而程督覆以俟省議會議

決後執行。滋培草上省議會書。擬新縣名稱曰啓東。以外沙在江北大陸極東沙洲接漲無已也。

民國二年春一月。省議會開。培到甯。從事接洽。兩月之中。往返三次。雖屢經省議會議決。而省長應季中德閔。受內沙運動。借題阻遏。自宋漁父教仁被暗殺後。遂發生二次革命。滋培上書責袁引罪自退。並函茅詠薰祖權主持大計。冬十月。滋培以省議會復開。到甯。數日而會散。十二月。張齋公任農商總長。滋培備文函託轉遞內務部。咨江蘇民政長韓紫若國鈞聲復。而韓竟緩之。致大失望。

民國三年春二月。滋培條陳政府。主張廢省爲道。江南江北。川東川西。皖南皖北。悉依天然地勢劃分政區。各縣轄境。有紛錯甌脫。同時釐正。當批留院備採。以時局激擾。延擱不舉。旋當局以培責袁退位。目爲附逆。飭令密緝。倖聞風遠避。僅而獲免。然瑣尾流離。胥疏於海濱荒僻之處者。半載有餘。且家爲查抄。父母妻子。悲啼憂恐。莫可名狀矣。冬十月。密緝令撤銷。培到甯。以分縣稟巡按使齊震巖耀琳轉呈。旋齊使巡視至崇。滋培渡兵艦。又面遞稟。均批如韓。可怪也。

民國四年春。滋培同說筠。青春令籌辦保衛事宜。夏六月。倪耕漁划舟招往。請常駐伊家。專辦分縣。秋八月。滋培北上。旅京奔走一月。甫遞稟。反對者詎爲亂黨。密報警廳。事爲培數知。星夜潛匿天津。獲免於難。南下過寧。齊使已發交滬海道尹周晉箴。派委龔季博振鵬蒞勸矣。培函張齋公轉知周道尹。孰知崇人會議稱培勾通黨人。有非常舉動。應在外沙設立縣佐。並警察分所。以爲防範。獻媚當途。其計亦惡而巧矣。

民國五年春一月。袁慰亭稱帝。滋培往申。與茅詠薰施述之承謨及諸同志商建議改革政治。未幾。蔡松坡錫在雲南起義。滋培上書責袁喪威失信。夏。袁斃。黎宋卿元洪繼任。秋八月。滋培上書內務部總長孫伯蘭洪伊。主張省長縣知事民選。條陳黎大總統時政八條。咸注重民生。並懇鈕惕生永建。登報鼓吹。九月。滋培又備文向黎大總統孫總長請願分治。並懇茅詠薰代達下忱。復到甯。向省議會請願。三月之中。往返四次。既經內務部咨省長籌擬分治辦法。復經省議會咨省長查照施行。而齊省長乃以清丈升科爲前提。由是糾紛益起。如崇明縣知事倪文德到外沙。用警迫認撤銷分治。崇人徐引恬等亦以前情朦呈。釀成外沙停課罷市輟耕之舉。滋培等據情分電南北各當道飭查。以平衆怒。而倪反誣十鄉助理員私結團體。擾亂地方。滋培等呈齊省長請懲倪贖職。而省長庇之。可慨焉。

民國六年春一月。滋培到甯。分別請齊省長簡派幹員。飭縣禁賣公產。二月。倪知事爲會所地點爭執。聲拿滋培與祝筠青倪耕漁。幸先避。倪即將祝筠青之幼子劍耕捕去。各團體急電齊省長。迨省委到沙查辦。而劍耕已迫罰回矣。三月。崇明款產處馮閏謀。以滋培等請禁賣公產。爲毀損名譽。訴於縣。倪傳滋培等庭訊。恐其褫袒。到蘇。請高廳移轉管轄。夏四月。滋培到甯。向齊省長呈核升科簡章。五月。滋培又到甯。向省議會劾倪溺職殃民。六月。倪又傳滋培等庭訊。秋七月。倪派警會拿滋培等。滋培到滬。面呈道尹王康廷。當允令縣覆奪。百端齟齬。始告緩衝。又到甯。請齊省長宣佈分治辦法。八月。培又到甯。請派員督理分治。九月。培又到甯。請財政廳

長胡翔林。選員會籌分治。冬十月。培等將清丈簡章。分送各當道。十一月。培等呈財政部總長梁任公啓。請外沙清丈經費。隨收隨辦。十二月。培到甯。將清丈簡章。向省議會請願。經省議決。咨省長查核。是年培往來甯滬。足跡殆未嘗絕也。

民國七年春一月。培等呈國務院總理兼內務部總長錢能訓。分治辦法。請照省會議決案咨省。而外沙業戶倪固本等。內沙業戶范崇禮等。外沙業戶施彥翹等。亦以前情爲請。二月。江蘇沙田局委員陳慰慈。孕寰蒞沙。集紳決議。每畝徵丈費六分。一年爲期。奈崇人梗之。知事賴葆忱。豐熙。不會復。致未實行。夏四月。培到甯。謁沙田局督辦曾樸。五月。培又到寧。請省議會照原議。重咨省長。秋八月。培等請財部速辦清丈。九月。培到寧。以外沙清丈。應變更縣議。轉道北上。分呈大總統馮華甫。國璋。錢總長。冬十月。南下過寧。適值沙田局委員王卓儕。偉來沙。集紳決議。援原案。每畝加二分。培又到寧。請省議會執前議。再咨省長。十一月。錢總長咨齊省長。派員前往解決分治問題。十二月。省委道尹高幼農。增秩到崇城。集培議函。准高委內外沙各派同數代表。就滬海道署會議。此次既無衆寡之形。復無主賓之勢。分治之成。本可預卜。民國八年春一月。分呈各當道。述分縣必要。並以二十大理由。通電全國。十七日。在滬道署會議。高委員爲主席。王道尹居右。賴知事居左。培與祝筠青。倪耕漁三具呈人。皆前列。內外沙代表各十人。環坐。無如外沙代表。主緩分者居多數。因以外沙先設行政委員承審員。添設各學校等爲解免之計。二月。培等請王道尹宣佈分治辦法。三月。培到寧。請王省長瑚飭縣公

docsriver 文川网
入驻商家 古籍书城

在文川网搜索古籍书城 获取更多电子书

儲丈費。撥建外沙衙署監獄。由甯回滬。請王道尹令縣飭書分造內外沙糧冊。夏四月。黃堯天等請王道尹飭縣破額轉賦。施彥翹等請王道尹令縣速行七條辦法。又請賴知事飭書分造糧冊。五月。張賢等請王省長令縣撥款建築各機關。秋七月。龔培基等請崇明知事張允高速執行七條辦法。八月。宋鈞培等亦以前情爲請。冬十月。施彥翹等分呈內務司法財政各部。應咨省派委督辦。十一月。張知事蒞勘衙署地點。於是分治始有基礎。

民國九年春一月。張知事召集滬道署代表內外沙各十人。議配各費。夏四月。縣知事沈啓熙通知轉奉省道核准。秋八月。縣委韓汝霖爲建築分署籌備員。九月。省委錢伯華啓翰爲外沙行政委員。滋培到崇。請縣知事林韶榮准由錢委兼攝籌備。冬十月。縣委滋培及宋偉陶爲建築會辦。十一月。錢委借匯龍鎮警所就職。錢委請縣委張礪漁爲建築幫辦。十二月。十鄉助理員會同滋培等呈縣薦委承審員。由是外沙始有官治雛形。民國十年春一月。滋培以縣治地點爭執紛呶。赴崇謁林知事。請將承審員暫駐餘穀。以相調解。二月。滋培等函錢委以分署前開闢市場。定名曰鎮洋市。以程撫院會議以鎮洋縣移駐也。並擬取締營造規則十九條。又呈王道尹對於警察。當予行政官以指揮監察之權。三月。陳仲章保漢借餘穀鎮作民校。就承審員職。夏四月。崇明款產處經理張硯耕飛熊會同滋培。又張礪漁宋偉陶呈省廳道。以建築預算三方議定。請飭縣撥款。五月。滋培印發通知。脫離代表。六月。行政委員辦公所遷入新建分署。秋七月。錢委會同滋培及宋偉陶張礪漁

分呈省廳道縣。以建築工竣。請派員驗收。八月。滋培呈部省請變更行政辦事簡章。九月。滋培呈縣知事嚴翼。請置外沙糧櫃。冬十二月。滋培等呈縣請繼續清鄉。籌撥保安隊經費。由此而建設公安。始得循序漸進也。

民國十一年春一月。朱伯嗣毓珍在分署接任承審員職。三月。滋培等呈江蘇警務處長王桂林。請以外沙警察。歸行政委員節制。夏五月。滋培等呈省請外沙亟宜辦理推收換證。同月。縣委滋培爲外沙游民習藝所長。秋七月。滋培編造習藝所開辦預算。呈縣。九月。陳仲章接任行政委員職。陳廉奏贊舜。接任承審員職。一月餘病故。由清理積案委員丁德翰代理。冬十二月。婁壽彝接任承審員職。此則解免而後。預爲分治地步之大略也。

民國十二年春一月。沈象倉寶篆接任承審員職。三月。培函張喬公以委員權輕職微。仍主分治。秋七月。俞訓淵仲溥接任行政委員職。

民國十三年夏四月。培函張喬公請轉省改縣。秋九月。齊慰黎霖接任承審員職。

民國十四年春二月。陳季衡時泌接任行政委員職。三月。應毓甫福謙接任承審員職。秋八月。培函張喬公請轉省改縣。此久蟄思起之蛻變情形也。

民國十五年春二月。十鄉鄉董公推培及龔亦泉景蘇曹邦憲炳星。爲請願分治代表。三月。培等備呈函張喬公。請轉遞省長陳陶遺。同月。培到甯。又呈省長。夏五月。秋七月。均有續呈。而陳省長對此回呈。均批應無庸議。